

Transkription von Stadtbucheintrag HBS 1378u

Ort, Datierung: Halberstadt, 1378-??-??

Signatur: Stadtarchiv Halberstadt, X 01, 33v

Inhalt: Eintragungen und Verordnungen über Geldzahlungen

Hen(n)iges Jartid vo(n) neyndorp de begheyd me(n) in sinte galle(n) / auend vn(de) ghift dar to xv
sol(idi) d(enarii) . jowelkeme ratman(n)e j . sol(idi) / der stad / screue(re) j . sol(idi) . deme perr(er)e to
sinte mertene j. sol(idi)/ sine(n) capellane(n) dren . jowelkeme vj d(enarii) . deme kerckene ij sol(idi)
vn(de) j pu(n)t / wasses dar scal he vore brede(n) eyne(n) tepp(en) in de kercke(n) vn(de) veyr licht /
dar vm(m)e sette(n) vn(de) vilige(n) lude(n) mid den clocke(n) der stad knecht(e) vj d(enarii) / [...] /

Hanses wedue vo(n) dem dike heft der stad ghe gheue(n) xxiiij / mar[k] pe(nnige) to alle(n)
spe(n)de(n) to hulpe . vn(de) to alle deme dar me(n) des to / be dorft(e) dorch god vor er sele vn(de)
vor all(er) er(er) fru(n)d sele on to troste / vn(de) to hulpe . dar vore scal me(n) alle jarlikes in sinte
michahel(is) / auend(e) wan me(n) doch spe(n)de gift de me(n) de(n)ne plecht to geue(n)de / hanses
jartid vn(de) siner husvrowe(n) vo(n) be gan . auer me(n) / gift neme(n)de sund(er)like(n) dar wat
vo(n) wan(n)e de pen(n)ige de / me(n) gift to der spe(n)de i(n) sint(e) michahel(is) auend(e) /

vortm(er) heft peders wedue hopeners to der spe(n)de gheue(n) / de me(n) i(n) dem stille(n) vridag ¹
gift xx lodeg(e) mark to hulpe dorch god / an allere(m) gude wan se af geyd so scal me(n) dat geld dar
vo(n) / neme(n) vn(de) ane wardene sin , gift se id ok er so is se is los /

¹ Karfreitag